

बीरा बेगा आईज्यो जी

बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

अळगी म्हाने परणाई,
ना लीनी सार संभाल।
भूल गया क्यो म्हाने बीरा,
मैणा दे रा लाल।
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

दुखड़ा म्हाने देवे बीरा,
पूंगल रा पड़िहार,
था बिन म्हारो कौन आसरो,
रामदेव अवतार,
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

रुणिचे री ओळु आवे,
नैणा बरसे नीर,
ऊबी बाटां जोवूँ थारी,
सरवरिये री तीर,
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

कोई नहीं जो सासरिये में,
बात सुणे अबला री,
थे तो म्हारे मन री जाणों,
निकल नेजा धारी,
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

बहन लाड़की करे विणती,

सुण लीजो अरदास,
पूरी करीजो बीरा म्हारे,
पिहरिये री आस,
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी,

सुगणा बाई री सायळ कोई,
दास अशोक सुणाय,
गाँव रुणिचे रामदेव रे,
चरणां शीश नवाय,
बीरा बेगा आईज्यो जी,
राम दे बेगा आईज्यो जी,
थारी सुगणा जोवे बाट,
रामदेव बेगा आईज्यो जी

<https://www.bhajanganga.com/bhajan/lyrics/id/21565/title/beera-bega-aaiyojyo-ji>

अपने Android मोबाइल पर [BhajanGanga](#) App डाउनलोड करें और भजनों का आनंद ले |